

Dnevni avaz.- 04.01.2022

E. Ć. Anadolija

## **Erdoan u Kijevu: Turska je spremna da bude domaćin sastanka čelnika Rusije i Ukrajine**

### ***Ердоган у Києві: Туреччина готова провести зустріч лідерів Росії та України***

*P. T. Erdoan na preskonferenciji poslije susreta s Prezidentom Ukraїni V. Zelenskijem naznaci, Ńo Turcijska Respublika nastavlja podrŃavati suverenitet i teritorijalnu cjelovitost Ukraїni, uključujući Krim. P. T. Erdoan izjavio je o jačanju ekonomske i trgovinske saradnje dvije države i o mogućnostima daljeg jačanja saradnje između dvije zemlje.*

<https://avaz.ba/globus/svijet/714549/erdoan-u-kijevu-turska-je-spremna-da-bude-domacin-sastanka-celnika-rusije-i-ukrajine>

Razgovarali smo o koracima koji mogu biti poduzeti kako bismo obim trgovine podigli na 10 milijardi dolara, rekao je Erdoan

Republika Turska nastavlja podrŃavati suverenitet i teritorijalni integritet Ukrajine, uključujući Krim, poručio je predsjednik Turske RedŃep Tajip Erdoan (Recep Tayyip Erdogan) nakon sastanka sa predsjednikom Ukrajine Volodimirom Zelenskijem u Kijevu, glavnom gradu Ukrajine, javlja Anadolu Agency (AA).

Erdoan boravi u zvaničnoj posjeti Kijevu gdje se sastao sa predsjednikom Ukrajine Zelenskijem.

- Ńelio bih ponoviti da nastavljamo podrŃavati suverenitet i teritorijalni integritet Ukrajine, uključujući Krim - kazao je Erdoan na konferenciji za medije održanoj nakon sastanka u palati "Marinskiy".

Istakao je da je tokom sastanka razgovarano o jačanju ekonomske i trgovinske saradnje dvije države.

- Razgovarali smo o koracima koji mogu biti poduzeti kako bismo obim trgovine podigli na 10 milijardi dolara - dodao je.

Naglasio je da su zvaničnici dvije zemlje danas potpisali sporazume o saradnji u brojnim oblastima, od obrazovanja do ekonomije i tehnologije.

- Današnji sastanci s Ukrajinom i sporazumi koje smo potpisali su pokazatelj volje da naše strateško partnerstvo podignemo na još viši nivo - rekao je turski predsjednik.

Naglasio je također da je sa predsjednikom Ukrajine razgovarao i o krizi između ove države i Rusije.

Erdoan je ponovio spremnost Turske da bude domaćin sastanku lidera ili tehničkih delegacija Rusije i Ukrajine.

- Turska je spremna da uradi svoj dio posla kako bi se okončala kriza između dvije prijateljske zemlje u regiji Crnog mora - kazao je Erdoan.

Erdoan je tokom posjete Kijevu prisustvovao desetom sastanku Strateškog vijeća Turske i Ukrajine.

Na sastanku su razmotreni odnosi Turske i Ukrajine na nivou strateškog partnerstva, a razgovarano je i o mogućnostima daljeg jačanja saradnje između dvije zemlje.

U delegaciji Turske koja je doputovala u Ukrajinu bili su i supruga predsjednika Emine Erdoan, ministar vanjskih poslova Mevlut Čavušoglu (Cavusoglu), ministar odbrane Hulusi Akar, ministar unutrašnjih poslova Sulejman Sojlu (Suleyman Soyulu), ministar energetike i prirodnih resursa Fatih Donmez, ministar industrije i tehnologije Mustafa Varank, šef Ureda za odbrambenu industriju pri Uredu turskog predsjednika Ismail Demir, šef Direkcije za komunikacije pri Uredu predsjednika Turske Fahretin Altun (Fahrettin) i glasnogovornik Ureda turskog predsjednika Ibrahim Kalin.